

# Ein Trinker, sein Bier und sein Neger<sup>by mp</sup>

*Busen.*

*Hast scho g'laubt, du Drecksau, du g'schissene.*

*Du Scheißgeburt.*

*Du Oaschloch.*

*Du wunderschöner Löwenzahn.*

(Hanzüalio Hülökulöüs, 1993, Selbstverlag)

„Dea Nega bringt's net zam, heast, Hauptsachn kauft hamman. Da Nega?, na waast eh, da Nega, na da Schwoaze hoit. Waast eh, dea Nega, da Schwoaze, na, net weng de Hoa schwoaz, na waast eh, wegn, waast eh wegn wos, heast. Na host eam net g'seng, heast, den Nega, Numma nein oda ocht oda wos dea do hot, do, wira in Pass g'spült hot, do in Rückn eine vom Katznbichla, do am Sechzehna, do fost im Strofraum drinnan? Net? Heast, wo schautn du übahaupt hi übahaupt? Do, do, na siagst das eh, in da Wiedaholung, do, siagst as net do obn, do siagst as eh, heast. Na, a Oaschlochpass woa des, wia g'macht von am Nega, von so an Bimbo, na von so am Buschbimbonega hoit. Oiso, wonn i do da Traina warat, na, bumm, na, heast, der kennt si was ohean, na dea mit seine longen Hoa, mit seine schwoazn, aso, die kennt a sie bei mia glei oschean, auf an Millimeta, auf zwa maximal. Mia san ja do net bei de Wüdn, so dass a jeda do mochn ko, was a wü, heast. Mia san da imma no

in Österreich und da muss ma si hoit anpassen, wemma do sein wü im Fernschaun und übahaupt. I bin jo do noamal net a so, wegn da Heakunft und wegn dem Gonzn, aba so geht's wieda a net, dass da wer daherkommt, in unsa Lond, vastehst?, und dea donn so an Oaschlochpass zamspült und dann lange Hoa hot a no und obn drauf a Nega is a no. I man, do is jo a Grenze erreicht, oda? Wenna wenigstns g'scheit kickn kennt, aba net amoi des kann a, na, da, da schau amoi, na schau wia dea do rennt, wie wann's irgendwo brennt oda wos, wia mit an Steckn im Oasch. Wie a Schwindlicha rennt a da umananda am Plotz, as wüads eam gor nix ongehn, als wära nur do, dass a do is. Aba des kemma ja eh, bei de Nega. G'schwind in Dings irgandwo einesteckn, dass a Kind zamkommt, und dann ham's eam am Hois, de deppatn Weiba. Grad dass a no Asül beantragn kann, und scho is die erste obummst. Eh, meist de Korpulentn, waast eh, de Bladn, de, de eh sonst kana wü, aba waast eh, de, de Hoffnung stiabt jo ois Letztes und deppat san de Weiba so und so olle mitananda. Und donn, donn stehn 'S donn do, min Kinderwagerl, mit so am Mischling drinnan, und wie glücklich, dass se net olle san. Na, bah, da denk i ma imma, heast, Madl, wuascht wos die für an Beidl hom, für an großn, wer waas, wo dea scho überoll scho drin woa, heast. Es is ja net a so bei de Wüdn, da wird ja net long g'froggt so im Busch in de Strohhitn. Da gehst zweit eine, kummst zweit wieda auß, und de Frau hot donn des G'schloda drin und wird

schwanga vielleicht a no mit zwöf oda wos. Bei uns geht des ja net a so, mia hom da jo so Gesetze, vastehst? Do kann net a jeda komman und dann dei Tochta von hintn schuastan und donn gibt da sei Vota drei Kia und via Ziegn und dann wird g'heirat und nix is passiert. Des geht bei uns net, bei uns net, heast, heast ma zua übahaupt, heast? Wö es is jo a so: Bei uns geht des net a so, vastehst?, bei uns geht's jo do net zu wia im Dschungl, mia ham ja do a kane Lendnschuaz um und weafn mit Spea umananda, des hamma jo olles scho hinta uns längst. Mia woan ja a so, oiso füha, wia ma no näha dran woan bei de Offn, waast eh, so mit de Hoa übaroi, so wie bei dem do, dem Nega do im Fernschaun. Aba jo, san hoit no vü näha bei de Offn dran, imma no, de Schwoazn, brauchst nua riachn wie's riachn, wenn 's schwitzn. So erdig, so nach Eisn, kennst das do eh vom Jahundathochwassa no. Do woan 's jo do, die gonzn Nega, wegn dem Zetl, wo draufsteht, dass g'holfn ham, damit 's guat dostehn voam Richta, und ham Sandsackl aufg'füit und g'schleppt und da warn 's eh olle beiananda, als hätt'n 's wos zum Vabergen. Hast as net a gsehn? Heast! Jetzt pass amal auf, heast, i red ja da net fua de Wond oda? Oiso, host es eh g'seng, oda?, do, wias g'stond san im Kreis, mit ihre Rudaleibal, waast eh, mit denan ihre Ärml, wos'd da denkst, oiso, oiso, oiso. Na, schau 's da amoi on, de Obaoam, i maan, da kann da scho angst und bang wean, wö was hammadn do dagegn, ha? Jo, schau uns amoi o, heast!, so auf wiaklich, da is ja nix außa ana Wampn und am

Dopplkinn, was dazua a no passt. Da hamma ja nix, und da rennan 's scho die Weiba, da rennen 's uns davo, na, des kömma jo auf kan Foi so zualassn, net? Heast, heast, jetzt renn ma du net a no davo, heast! Des is wichtig, da geht's nimma ums Saufn und net ums Nethamgehn, da geht's endli amoi ums Prinzip, heast, vastehst? Vastehst? Vastehst wos i da do damit sog'n wü! Vastehst mi? Vastehst du des, dass des net afoch so gehn ko, mit de Nega, dass de do afoch so einespaziern und uns de gonzn Weibe fladern. Verstehst du des eh, heast? Ha? Jo, an Scheißdreck vastehst, du Trottl, du deppata, jetzt hör amal zua do, vielleicht lernst a bissi wos. Vom Lebn, vastehst?, vastehst mi?, vastehst wie i des maan? Na, schau di o, heast, nix vastehst, von goa nix, net amoi von de Nega, und de san eh hoibwegs leicht zum Vastehn, wemma wü, vastehst. Schau, de Nega, de Nega, de san ja zu allaerst amoi Auslända, Auslända zu allaerst, wos aba wuascht is, hea ma zua! Des is wuascht, heast, wuascht is des, da geht's um de, na, wie haaßn de gach? Na, de, de, de, aba wos i sogn woit, hea zua: Du waast eh, du waast eh, vo meina Ex-Frau, hob i da eh scho oft dazöht, na eh, donn is eh olles kloa, oda?, da brauch i ja nix mehr dazua zum Sogn. Wö, heast, jetzt drah di net so deppat, und es Umadumzittan konnst a glei eistöhn, gö, wö, die is ma ja damois oboscht, mit so an, mit so an Nega, waast eh. A Tschentlmän issa hot 'S g'sogt am Telefon, net so wie i, ois as warat des wos Guates, ois warat i dea, dea do von ana Liane zua ondaren

schwingt. Wos? Jo sicha waas i das da Tarzan a Weißa woa, aba des tuat ja nix zua Sache, vastehst?, des is ja nua so a Vagleich, do spüt jo de Hautfoab ka Rolle. Des Wichtige is, no jetzt wiad's da vagehn des Hiundheaschwappn, des Wichtige is nämli, i hob heit nämli a Messa einsteckn. Nix großes, vastehst?, net so a Machetn wia bei de untn in Afrika, aba wenn i do wen damit in de Nierndln stich, donn wiad a scho schaun wias eam wehtuat, wenna vua mia in de Knia geht. Vo hintn? Wos haast von hintn?, na sicha von hintn, wos host g'laubt, dass i ma do no an irgenda Regl hoit, do geht's jo net um an deppatn Färpläpokal, vastehst?, des mitm Färplä hot sie aufg'heat wia sie dea mei Oida g'schnoppt hot, wahrscheinli eh nua wegn da Stotsbüagaschoft. Des is ja des G'fret mit de Nega und mit de Tschuschn und de Kanakn a, kriagt jo heit scho jeda an Pass, kaum dass a a Wuat Deitsch vasteht. Als hättn mei Voda, und mei Großvota und mei Urgrovota do gonz umasunst g'lebt, vastehst?, vastehst du des?, dass des net geht a so. Da kennt ja a jeda komman, a jeda, a jeda, wuascht woher, und donn, donn am End haast's, jo, dea keat jetzt do a dazua. Zu uns, i maan, mia san do net dessöbe wia so a Flüchtling, so a Nega, der sie do schleicht aus seim eiganen Lond, wöl a ka Lust mea drauf hot, dass a daham wos vaändat. Na, do kumman 's olle hea, vastehst?, olle weans vavoigt von irgendwos, und dann sitz ma do g'miatlich beim Wirtn und donn kummt so ana eine a no. Na, host eam net g'seng wira einekomman is?, so mim

Hemad draußn aus da Hosn und wira donn auf Englisch bestöt hot a no? Host eam net g'seng, heast, du Heisl, durt sitz a jo, pass auf amoi a bissi, durt sitzt da alanich, und schau wira schaut. Na, schau, Deppata, host leicht an Ongst vua dem, ha?, na i hob ka Ongst vua dem, na i net. Glaubst dea, dea kann do afoch einespaziern und in mein Stammlokal do a Bia bestön?, oba sicha net. Wos? A bissi leisa soll i sein? Heast, soll a ruhig hean, wos i do zum Sogn hob, solla, oba vastehn wiad a mi eh net, dea Bimbo, oba Hauptsache weiße Zähnd hamma. Na, wö des is jo wichtig, na, do pass ma auf drauf, und dreimoi deafst rotn, warum. Geh, hea auf mit dem Bledsinn wengam Karies, des hot nix zum Tuan mit da Gesundheit oda da Hügenie, vaoaschn wüll a uns, vaoschn, vastehst? Und wos? Wos haast do sitzt kana, heast, na dortn, im Winkerl, dort wo ka Licht is, na siagst eam net wira auf hamlich tuat? Net? Heast, woast scho long net mea beim Augnoazt, oda wos?, do hintn, heast, no is jo wuascht. Schaun eh olle gleich aus, de Nega, wennst eam scho net siachst, donn hea ma wenistns zua, wonn i red, waast eh wie de olla ausschaun. Na, na, wira do ummeschaut, i kennt eam gleich ane pickn, i maan, moch i des, wenn i irgandwo bin ois Gost in am fremdn Lond? Na, moch i net, und du frog net so deppat, weil sonst host du glei ane ois erestas, aba worauf i hinauswoit eigentli: Hinauf woit i nämlich auf gonz wos ondas. Wö, mei Frau, i maan, mei Ex-Frau maan i, host as jo eh kennt, mei Frau. Des woa jo scho ane, oda?, so ane von de Guatn, und

schau wos aus ihr woan is. Na, na, brauchst di net deppat vasteckn in deim Glasl, de is ja net do, heast, jetz stö di net blede ois dasd eh scho bist, i maan von da Voastellung hea. I hob 'S jo a nimma g'sehn seitdem, a wenn 'S ma deppat Briaf schreibt, wö i am Telefon jo net oheb mea bei dera. So auf, im Guatn ausanandagehn, wö es woa jo ois net so g'maant und dea gonze Schmoan, wegn de Kinda, als wärn 'S net eh scho groß gnua, als tät'n 'S net wissn, wos ihre Mutta für ane is. Wos sogst? Wos? Na sicha net, a bissi wos auf mi hoit'n tua i scho no. Wos? Wos haast do a bissi is des richtige Woat, heast? I werd da glei gebn, a richtiges Woat, du Kaschpal, und a Watschn konnst a glei dazua hom, wennst goschat a no wiast. Oba, jo, zrück zu wos i vorhea g'sogt hob: De schwoaze Sau stech i o, nur dasd as waast, und donn schlitz i eam auf wira Gulaschfleisch. Wos ondaras vadienan de jo olle net, de Nega, is jo eh scho olles zvä, wos mia olles do füa de mochn do. Do schau, siagst des?, mei Bia, no, wo, wo glaubst wanderts'n hi mei Mehrwertsteuer?, na wohin glaubst? Jo, genau, ins Bügädefizit, geh, hoit de Pappn, in den sei Gödtaschl wandert 's eine, sonst niagenst. Na, schau, do, do schau, do sitzt a als wüad a's net wissn, oba i sog da aans, wuascht is eam des, das i do oabeit'n geh, deppat aufsteh jedn Tog, deppat mein Scheff in Oasch einekräu, irgendsoam Fünfazwanzgjährign, nur wö i genau waas, dass i in mein Oita eh kan Tschob mea krieg so wias ausschaut. De Wiatschoft is jo untn, untn am Bauch, da robbts umadum durch'n Staub von da

Wiatschoftskrise und warum, frog i di? Na net wegn des, wegn wos ondam, heast, wegn de, na wegn, wegn dem do drübn, do, do wiera dositzt und mei Göd vasauft. Wos? Wos haast, g'hupft wie g'hatscht?, wos soi des haaßn, Hea G'scheit? Wonn i mein Lohn vasauf, donn vasauf i mein Lohn, des i mei guates Recht, oda?, i hob jo a g'oabeit dafüa. Oba dea?, dea, dea hot jo nix g'mocht aussa deppat unsare Gostfreindlichkeit übas Knia zum Legn, siagst du des net, oba boid poscht's, des sog i da, des geb i da schriftlich, des geht net so weita, des kann net so weitagehn mit denan, mit denen Negan und dem gonzn ondan G'sindl do übaroi. Übaroi san de jo scho, wos'd hinaschaust, grad, dass ma si no traut mit da Ubahn foan, grad dass ma si no auf de Stroßn traut in da Nocht. Na, eh, i eh net, i red jo von de Ondan, von de Fraun und von de Kinda, de, de, de miassn jo aufpassn, de san jo de, de wos kan Schritt mea mochn kennan voa die Tia, wenn de do olle einfoin do wia de Heischreckn. Na, kennst es net?, kennst es net?, kennst es net?, oba jo, du host ja ka Frau und kane Kinda. Nochamoi? Wos sogst du zu mia? Es is ja net mei Schuid, dass i söbst niemandn mea hob, oda? Kann i wos dafüa, dass meine Kinda deppat san? Ha? Dass die Mamma lieaba ham ois mi, obwohl 'S ma da wegn an so an Neandataler mutwillig valossn hot? Net amal zum Geburtstog hom 'S ma gratuliert, die G'schroppn, und dafüa hob i man Oasch aufgrissn do mei gonzes Leb'n long? Dafüa bin i jedn Tog aufg'standn um sechse in da Fruah, damit 'S

ma do es Hackl ins Kreuz schmeißn, bei da erstn Gelegenheit? Wos? I glaub, i hob mi do vahöat, gö, i hob imma a guates Vahältnis zu meine Kinda g'hobt, heast! Oda wüst do jetzt deppat wos ondas behauptn oda wos? Wea bistn du überhaupt, frog i di?, wea bistn du überhaupt, dass'd ma do daherredst ois wüsstest, wovon i red? Hast jo nie a Familie g'hobt oda? Oda? Ebn! Da samma schnö wieda gusch, gö, da hamma dann nix mea zum Sagn auf amoi, da schau ma donn wieda drei wira Woama. Waast wos da Untaschied is zwischn mia und dia? I steh nämli auf, wemma wos net passt, und du stehst nua umadum, wira Reh auf da Autobohn, und schaust da o, wia die da näxte Sattlschleppa mitnimmt auf da Motohaubn. Gö, do sogst nix mea, nix mea, wöst eh waast, das stimmt, wos i sog. I hob do jo a Lebns Erfahrung im Gegnsatz zu dia, du host jo nix zombrocht, nix host zombrocht, oba jetz, jetz zeig i da wos, na schau ma zua, heast, i moch das jo net nua füa mi do, soi jo a jeda was hobn davo. Da siagst eam, do hintn, wira sitzt, wira mei Bia sauft, na, schau, glei is aus mit eam. I woat ja nua, i woat ja nur, i woat ja nua bis a brunzn gehen muaß, bis a drin steht am Pissoa und donn is aus damit, mit dem Nega, und donn wia schau, wia des a echta Monn löst so a Problem und net so a Lululackal wia du scho aans bist. Do schau, siagst as net, wia eam das Bia scho druckt, kane poa Minutn mea und donn is aus mit deara Missgebuat, den Oasch, dea glaubt, dea konn do deppat wean und unsaeins olles himochn. No, do, do, do, heast, hea auf

do mit dein Klanawerdn, mit dein feign. Doat, doat sitzt a do, glaubst i red ma des olles nua ei oda wos?, glaubst i waas nimma, wos do drübn im Dunkln in da Eckn sitzt und deppat schaut mit de göbn Augn? Glaubst i waas des net? Glaubst i brauch di dafüa, dass i des siech, glaubst, i bin scho gonz hi in da Marün, oda wos, na jetz sog, heast! Geh, na, vaschon mi und hoit's zam amoi, i kann's scho langsam nimma hean, de ewige, oide Leia, irgendwonn muss hoit wea zuadrah'n a und der ganzn Baggasch zeign, wo de Grenzn san und dass des net so afoch so geht do bei uns. Bei uns net, heast!, bei uns net!, heast, und, heast!, Marion, wos is do jetzt mit da Frittatnsuppn übahaupt? Di hob i voa ana guatn Stund bestöt und i glaub, i pack's sonst boid nimma mit dem Trottl do. Dea siecht net amoi mehr den Nega in da Eckn sitzn, da glaubst gibt's des. Und a aans no, no a Bia no, gö, Marion, heast, wo bleibtn übahaupt mei neichs Bia. Des Restl do, des kann ja kana meah saufn, so woam wia des scho is und bitte, geh, Marion, geh bring ma no a Bia, jo. Und wos haaßt du speast donn glei zua, ha? Wos haaßt nur wegn mir alanich konnst net offn hom bis drei in da Frua? Wos hast des rentiert se net? Red kan Bledsinn, heast, Marion, kumm, a Bier no, gö. Und de Frittatnsuppn. De Frittatnsuppn a, Marion, wonn's, wonn's leicht geht.“